





枕肱亭文集卷之六

禮部尚書番陽童軒稿  
門人監察御史金章編

七言律詩

癸未 大禮慶成 錫讌

蓬萊闕下慶成時  
佳氣葱葱靄玉墀  
千載風雲光祿讌  
兩輪日月太常旗  
香飄黼扆瞻龍御  
樂奏簫韶覩鳳儀  
青瑣小臣無寸補  
載歌天保祝雍熙

題清隱山房卷

幽居渾似聘君亭  
門對青山盡日扃  
一榻茶煙



吟處颺半窓松雨夢回腥鴻都官好羞輸直虎  
觀門深懶議經一卧空林驚歲晚無人知有少  
微星

咸陽晚眺

渭水東流落日西咸陽秋色望中迷荒煙古渡  
人稀到衰柳空城馬自嘶霸業已消三月火斷  
碑猶載數行題東門牽犬人何在空見年年碧  
草齊

襄陽懷古

疋馬南歸望故城半林殘雨夕陽明雲邊岫接  
秦山色樹裏河流漢水聲墮淚有碑苔色古攔

街無曲酒旗橫那堪回首成陳跡笳鼓西風恰  
客情

送徐遵誨公子之邊

羨君家世舊簪纓百戰常懷報

王心草檄有才追記室登壇無路繼淮陰射鵬  
紫塞秋雲黑走馬黃河夜雪深白首丹衷知未  
變歸來雙肘印懸金

春水一首次張叔勉韻

湖北湖南燕尾分半篙纔動綠如芸薇苔溝小  
依橋見薔薇溝見桃葉歌長隔岸聞細草斷冰  
鷗外浦斜陽晴笛鳥邊雲晚來幾陣廉纖雨灑



碎玻璃萬頃紋

鳳西草堂為鄒義官賦

清隱臺西地位奇  
四時佳趣自相宜  
秋風蘿蔓垂茅屋  
春雨桃花近竹籬  
勸客小姬歌白苧  
遣懷新句寫烏絲  
相過况有知音在  
不用黃金鑄子期

詠馬蹄墨一首東留守鄭廣之玉峰李

景輝二知己

汗血曾勞百戰場  
空遺蹄鐵在文房  
硯臺夜迹玄霜滑  
筆陣朝衝紫霧香  
削玉謾勞龍作劑  
杜<sub>高</sub>  
所削寒玉龍  
香削墨名  
藏金聊藉豹為囊  
武<sub>武</sub>林<sub>林</sub>經<sub>經</sub>鑄<sub>鑄</sub>金<sub>金</sub>

宝云豹囊藏  
墨經久温潤  
王 自憐一蹶無人識  
却欲追蹤後二

丁卯秋予領鄉薦之京  
三兄志廣偕親友飲餞  
都門之外把袂而別  
是夜宿

龍江驛

萋萋草色滿長坡  
况是連枝惜別何  
客散酒空看鴈影  
露寒沙白宿龍河  
投林候火依稀見  
臨水人家遠近多  
自愧忘情非上智  
不禁清淚洒江波

題鄱陽小隱園

鄱江西上是吾家  
簾捲青山窈不譁  
楊柳晚烟



迷燕壘蘼蕪春雨漲鷗沙牙籤插架堆書帙竹  
筍懸流泊釣槎今日長安看圖回不勝歸興繞  
天涯

題瑩僧官禪室

地隔紅塵接上方亂藤高竹暝蒼蒼半屏夜坐  
雲牙冷一飯朝食石髮香雨後降龍歸呪鉢月  
明棲鶴下迴廊我來欲問西來意安得醍醐灌  
頂涼

客中清明感懷

小衾孤枕興蕭然况是清明到客邊千里有家  
憑遠信一春多病但高眠梨花澹月秋千影楊

柳東風燭炬煙絲是少年行樂處只今惆悵酒  
尊前

贈傅少府俊

公才儒行共稱賢百里勞君早著鞭夜靜柴門  
無犬吠晝閒公館有魚懸桑麻時雨連城郭桃  
李春風被莞絃應是棘林鸞鳳翼九霄雲淨看  
高騫

寄張景華

泮水曾同詠碧芹多君丰采更超羣十年謾學  
屠龍技五色爭誇吐鳳文劍匣秋風飛電影硯  
屏春水亂星紋別來無限相思意目斷江東幾



暮雲

簡溪為吏部吳主事題

溪上幽居殿竹扉，溪邊春水淨苔衣。  
吟抄甫里新詩草，坐買嚴陵舊釣磯。  
幾點青山當戶立，一雙白鳥背人飛。  
也知習靜真成簡，游俠無勞問是非。

次韻李商隱無題四首

窓掩蟬紗怯晚風，刺桐垂影曲房東。  
自憐燕谷無春到，誰信藍橋有路通。  
藥玉杯擎鸚鵡綠，團金帶束荔枝紅。  
十年一覺繁華夢，羞見青銅兩鬢蓬。

夢斷行雲會晤難，翠壺銀箭漏初殘。  
鴛衾捲繡香猶在，朝雀扇題情墨未乾。  
滿院落花春事晚，一庭芳草雨聲寒。  
機中幾字迴文錦，安得夫君一咲看。

梨花滿地月明來，虛聽宮車響若雷。  
綆斷銀瓶難再續，鎖開金鑰又空回。  
行雲謾想高唐夢，詠雪誰憐謝韞才。  
莫把春心比香燧，等閒篝下冷成灰。

花暗芳塵憶舊蹤，巧鶯簾外度歌鍾。  
緋羅襪襯雙鈎細，金縷衣熏百和濃。  
露冷雲廊吟桂葉，月明水殿看芙蓉。  
而今往事渾難省，愁絕巫山十



二重

和劉工部無題四首

垂楊門巷嫩寒餘，銀鴨香清繞燕居。  
粧鏡窺紅春有態，黛蛾分綠畫難如。  
雲飛巫峽頻牽夢，潮隔潯陽久曠書。  
惆悵碧闌干外月，梨花疎影到窓虛。

金殿螢流月半沉，謾思當日寵恩深。  
風清香篔指秋扇，露冷空閨急暮砧。  
別院頻翻鶯管玉，長門深鎖獸環金。  
可憐碧海青天外，誰識姮娥夜夜心。

花千點，玉虎絲牽月一痕。  
斑竹暝烟思帝子，綠蕪春雨怨王孫。  
愁來更上危樓望，江水悠悠也斷魂。

簾外東風扇曉寒，碧桃香老共誰看。  
金鈴犬卧紅綿毯，翠羽鸚啼白玉闌。  
花暗小機塵舊錦，草深回磴罷鳴銜。  
晝長寂寞無人問，自起閑敲響玉盤。

輓李恭人

太守克昭之內

鬱鬱埋香刻翠珉，高風重惜鮑夫人。  
良妻內行思賢守，孝婦佳名重史臣。  
鳶影暎分金鏡月，鳳梭春暗錦機塵。  
雲軒一去無消息，南澗東風長



綠蘋

九日四首并叙

予以幽憂之疾閉門不出者動閱數  
旬眉宇向秋淒然愁絕故人尚寶  
宋公忽有冶城登高之約辭不能赴  
因誦杜子重陽獨酌盃中酒抱病起  
登江上臺之句不勝幽興滿懷於是  
想像冶城風物為賦律詩四章詩成  
會鄉友傳德脩携諸公登高詩卷來  
遂用書之于左

授衣又值景荒涼澤國砧聲夜有霜病後欲尋

元亮隱愁來無復孟嘉狂樹連涼館迷秋色潮

落橫塘冷夕陽却憶冶城山上約不勝清興攪

吟腸涼館橫塘俱建康地名

鴈下菰蒲宿雨收登高有客上林丘池荷卷翠

花皆老江樹翻紅葉盡流白下蕭條偏近晚新

亭凋弊不宜秋良辰無那成虛擲辜負黃花酒

滿甌

蕭蕭木葉下高枝又是深秋九日期黃菊酒香

人病後白蘋風冷鴈來時參軍帽落同誰調宋

玉詩成益自悲有約不能逢一咲看山窓下獨

支頤

九日四首并叙



幽亭結構號飛龍風景蒼蒼入望中鴻鴈去來  
時序換江山登眺古今同綠荷淺水棲寒雨黃  
葉虛窓戰晚風秋興滿懷禁不得倚闌搔首歎  
飛蓬

送齊上人往揚州

冷然飛錫自揚州又被紅塵數日留灑翰不殊  
懷素筆能詩還似遠公流青松掛月山城夕黃  
葉填門野寺秋此日不須騎鶴去渡江惟用一  
杯浮

輓陳廷壁侍御尊府

由刑部員外陞  
部守致仕卒

解組歸來髮未絲訃聞驚悼哲人萎白雲司職

明刑日銅虎分符作郡時墮淚有碑遺澤在去  
官無硯後人思最憐南國霜臺夕月冷啼鳥繞  
樹枝

輓永新伯許公

百戰縱橫偉丈夫兩隨  
黃鉞定神都指揮天地紆籌畫驅逐風雲入陣  
圖金券有書曾錫土玉關無路更彎弧承家主  
器今良將麟閣功名曼不孤

登內相素軒公聚景樓

高架層樓遠市喧滿前風景似桃源斜陽語燕  
晴穿巷流水浮鷗日到門四面青山都近屋一



林黃葉 子依村幾陪  
內相叨 洎讌却嘆山翁醉習園

樂清軒為沙士清題

支離長日賦閒居 門掩香苔思有餘  
春水落花魚乳後 夕陽穿樹鳥歸初  
逢人但錄脩琴譜 對客常談相鶴書  
更擬高樓營百尺 元龍豪氣未應除

登甘露寺多景樓

一上高樓望眼醒 無邊風景入詩扃  
水連天去紫迴白 山過江來遠近青  
細雨草深東晉閣 斜陽花滿向吳亭  
吟餘更愛空門趣 松下僧翻貝

葉經

湖海壯遊卷為高三仲顯題

不顧功名竹帛垂 半生踪跡走天涯  
蛾眉亭下維舟夜 燕子樓前對酒時  
高節不殊東漢士 行囊唯貯盛唐詩  
相逢笑我為官累 兩鬢蒼浪半欲絲

送張文元秀才下第歸吳

功名兩字古來難 又向西風抱玉還  
點額自憐龍未化 澤文猶待豹成斑  
黃蘆淺水沙頭雨 紅樹斜陽郭外山  
他日重來應得意 一枝仙桂看高攀



贈萬都閩子和

坐擁貔貅一萬群多君好武更能文  
工書絕似班都護雅詠還同賈刺軍  
細柳風清朝奏角團花霜冷夜占雲  
太平無事邊塵靜擬策凌烟閣  
上勲

癸巳歲予齒四十九矣宦績無成道德  
日負悵然有感因作

久客懷歸尚未歸半生塵土浣征衣  
買臣每歎行年困伯玉空知往事非  
春雨又蘇邊地草秋風應老故山薇  
太平時世身難補會向滄江問釣磯

送陶希文先生校文浙江

自昔文衡荷至公多君膺聘去匆匆  
驂騑不假千金市麟鳳須教一網空  
夜舫星辰文壁燦秋堂風露燭花紅  
也知東浙多才俊蕭李行看  
在藥籠

題澄江草堂卷

愛汝澄江草堂靜白沙翠竹相鮮新  
銀魚雙尾不受釣黃鶴孤飛却近人  
柴門流水歲將晚藥裹書籤時自親

天書何處正物色老矣徵君烏角巾  
送李道士還蓬萊山元陽觀



夫容角冠黃錦衣少日塵寰知息機去家千里  
每入夢躡舄一年今始歸放鶴傳書山月白樓  
龍行雨海雲飛明朝拂袖向蓬島芝草琅玕秋  
正肥

贈宋縣丞兼東岳太守文璣

一官佐縣丞負予籍甚才名播兩畿相逢已是  
三年久復會其如千里稀墻邊種竹清興足廳  
下哦松生事微郡守亦知徐業在解矇應爾日  
相依

送學士錢先生奉使日南

金函封

也況他日之掌禮樂都風紀秉國成  
皆可坐而待者又奚止於是耶茲先  
生有詩見教予不揣蕪陋謹步嚴押  
如左云

聞望推君自昔年別來風度尚依然北門視州  
詞華盛東觀看花樂事便外物如雲何足問貞  
心似玉信能堅從來大器成須晚  
天闕而今正夢賢

經詩二首次內相蔣公韻因以自述

門巷蕭蕭鎖薜蘿雨晴階下長蓬科蠶蠶作繭  
牀頭密蛛網牽絲屋角多萬轉愁腸難自解千



尋汲綆情誰拖莫言胸次羅星斗虛絆浮名奈老何

一迳紫迂隔翠蘿幾搔白髮亂成科遊絲落絮春光暮曲蔓長藤夕照多錦字數行機杼織紅羅一段酒缸拖懷人却在巫山畔鳥道羊腸奈險何

古詩買紅缸

次韻友人述懷之作

十二街頭雪正寒幾回南望欲投冠春光不似人情薄老景方知世路難此日詞華皆潦倒昔年豪氣半摧殘蓬萊弱水知何許欲往令人發浩歎

涎觸掉雨餘腥懸知到日夷人悅翹首紅雲拜帝廷

戲書一首東陶松雲知己

到處看人白眼雙可能健筆巨如杠三千里外虛糜祿二十年前學問邦吟箏肩山朝易倦愁翻心浪夜難降令人羨殺陶元亮一枕清風卧止窓

寄賀友菊先生

窮巷蕭條坐掩關冠纓塵滿謾思彈半生杜甫空懸室十載揚雄不徙官世事真成棋局換生涯無奈硯田乾鏡湖詩叟聞應笑信有人間行



路難

輓孫郎中父

宰木西風慘暮煙傷心又及巳辰年蓉城已速  
青螺主華表空歸白鶴仙杯酒世稱嵇氏達園  
林人比鄭公賢推

恩喜有

雙龍誥夜夜虹光燭九泉

題逸菴卷送王封君還廬陵

榮沐

封恩下禁鑾白雲還指故鄉還湖山有待今猶  
昔歲月多情老更閒引水遙通新藥徑編籬重  
護舊柴關東風沙浦春波綠誰謂鷗盟半已慳

思兒

一從南甸別連枝幾度看雲淚滿頤畫錦已成  
槐國夢春愁空賦草塘詩兩年為客三千里一  
日思家十二時願得  
君王賜骸骨東風花底叶填簾

荅丁鳳儀

一官多病故交疎遠道勞君問起居敝帚千金  
空自許短檠三尺竟誰如頗因吟苦嫌詩債長  
愧時清乏諫書郭隗臺前重回首數行春樹正  
愁予

輓俞文顯



無復江湖汗漫遊  
白駒夢斷恨悠悠  
清風竹外閒茶臼  
明月溪邊繫麥舟  
數頃青山留世業  
一函黃卷遺孫謀  
懸知鶴駕歸何處  
雲鎖仙家十二樓

寒食漫興

黃鳥綠陰春樹濃  
韶光大半轉頭空  
一百五日寒食節  
二十四番花信風  
杜老只應償酒債  
步兵何用哭途窮  
人生遇景且為樂  
莫遣霜華生鏡中

南坡草堂為侍御題

草堂張君

占得南坡一段幽  
前人曾擬掛冠遊  
草塘夜雨

生科斗花逐春風  
叫粟留下榻  
每因詩客話  
敲門時有野僧投  
他年駉馬歸來日  
會合塤麩酒滿甌

輓劉宗文處士

平生高行世應聞  
吳下衣冠又失君  
范氏有田惟種義  
孟嘗無客不能文  
青山舊業苔應沒  
華表新阡日欲曛  
歌斷楚騷招不起  
寒雲空掩竹間墳

癸未八月盪竿禮闈文衡同事楊維新

先生有詩見及用韻和之

重簾閨窳似深閨  
黔技何堪一試蹄  
多士昂藏



將得雋五經模印細分題龍蛇夜陣戈聲肅風  
露秋堂燭影低明日春官奏桃李榜花聯采燦  
文奎

五星聚夜堂明精鑿何慚月旦評利穎喜從  
囊底出良材時向爨中鳴紙屏浙浙秋聲早葦  
箔蕭蕭月色晴應想白袍如鵠立幾年門下望  
衡平

贈楚山禪師簡縣人

掉頭不肯事王侯雙樹為家老即休錫杖躅空  
曾解虎木栢浮海不驚鷗夕陽呪食臨花塢秋  
月談經上竹樓應咲我曾身是夢風霜兩鬢為

誰憂

詠雪

一夜飛廉號令嚴弊裘頓覺早寒添飄揚柳絮  
春千點狼藉梨花月半檐江上不堪聞郢曲空  
中差可辨吳鹽玉街十二堆應遍恠底袁安睡  
正甜

和秋林驛壁間大行人張器之詩韻

使車遙度古梁州行色俄驚及早秋淺水黃茆  
山外路斜陽紅樹驛邊樓牛羊出沒居民少豺  
虎縱橫過客愁前路安在遂寧回首故鄉何處  
是清霜一夜上人頭俱有盜賊嘯聚



二月花朝山嶽小飲有懷故人李景輝

鄭廣之丁鳳儀高仲顯顧一松

一官作縣寓山鄉慚愧流年已二霜對酒易為  
今日醉看花猶記少年狂乾坤白髮詩愁在風  
雨青山客夢長惆悵故人成契闊歸飛空望鴈  
行行

九月十三夜夢繡衣康用和握手論舊

覺而聞雨有感詩以寄之

宦游歲月易蹉跎青鏡流光兩鬢皤客夢不知  
江水遠鄉心偏傍雨聲多張衡有詠唯愁在燭  
武無能奈老何為問舊游驄馬客別來誰與共

鳴珂

題杜子美草堂

性僻耽詩死不休文光萬丈謫仙儔浣花溪上  
頻年興飯顆山前半世愁風送雨聲江閣夜雲  
涵星影草堂秋可憐一片經綸志短褐長鏡到  
白頭

題諸葛武侯祠

抱膝長吟志有餘出師勲業竟何如龍蛇謾想  
驅兵陣魚鳥真疑畏簡書鐵釜有城荒歲月銅  
臺無主易丘墟請看當日隆中路猶自清風一  
草廬



與青羊觀道士

青羊道士無姓名，繞園種竹門常扃。  
蒼龍來問大還訣，白鶴下聽藥珠經。  
六銖衣上繡星斗，三尺劒底驅雷霆。  
相逢似識五雲吏，一笑向今雙眼青。

仲冬初九夜江瀆廟祭燾

斗轉參橫月半斜，柳營人馬寂無譁。  
轅門露冷寒吹角，江廟風清夜禡牙。  
振地軍威嚴虎豹，翻空旗影動龍蛇。  
願將一掬丹心血，剖露孤忠報帝家。

送吳祭酒先生考滿赴京

蚤歲龍門釣六鰲，詞林胄監被恩褒。  
董狐筆輓千鈞重，司馬文稱一世豪。  
賢相雲霖思已久，諸生山斗望何高。  
行看奏最承殊寵。

天近爐烟襲錦袍

秋日行司有成

幾年薄宦走天涯，鏡裏西風兩鬢絲。  
山館月明雞唱早，海天雲冷鴈書遲。  
半生事業交窮日，萬里關山客倦時。  
愁絕小窓殘夢斷，子規啼上最高枝。

贈雪谷上人



蚤年離垢即披緇風度脩然類遠師心靜只應  
流水共身閒常與白雲期秋虫蘭葉窓間暝  
鶴松枝几上詩更喜地偏無客到時拈霜頰掃  
烏絲雪谷能詩善画兼工行  
草書法故子詩云云

秋暮至曲靖

故鄉何處是并州萬里關山不斷愁野館夕陽  
人獨立邊城秋色水空流宦情已愧陶弘景客  
况何如馬少游一夜西風吹夢破歸心遙寄楚  
江頭

次韻翰林周克佐先生詠雪禁體八首

禁素白粉玉梅梨塩絮及羔酒烹茶

梁園灞橋凡雪中故事

一夜隨風綴遠林萬條僵樹盡森森濕欺漁叟  
蓑衣重寒入詩人布被深江浦煙雲歲凍螿野  
田桑柘噪饑禽閉門盡日相知少呵筆西齋只  
自吟

同雲一色灑皚皚地面平鋪不見苔萬樹恰如  
花片落八窓渾似雨聲來迢迢竹徑朝初掃窸  
窣柴門午未開謾說長安有貧者不知何處是  
春臺

高阜稜層下坎平望中銀漢覺虛明當窓不辨  
青松色近水惟聞折竹聲無數鷗群眠淺渚一



行鴈字跡高城吟窩此景須增價紙帳圍屏分  
外清

風攪長空亂似麻踈踈密密遍天涯氣清頓覺  
詩懷爽寒破方知酒力加百畝田疇年可卜孤  
舟蓑笠趣偏嘉夜窓一片松梢墮驚起巢林幾  
點鴉

灑氣弥漫六合同半兼寒雨半隨風連朝流水  
成新凍一夜青山失舊峰廣野兔迷高下窟長  
途人斷去來踪漁村僧舍無邊景都入先生賦  
咏中

非沙非屑迥無塵六出天然剪刻新積路崎嶇

妨過客撲窓撩亂惱吟人看來樓閣疑鋪回飛  
入園林似放春酒伴高陽盡凋落小爐擘拙自  
堪親

片片飛來影半潛潤回陽脉底須嫌樽空謾用  
春衣典爐冷頻將宿火添帶雨繽紛輕着砌傍  
人零亂巧穿簾也知內翰多心興愧我徒將賸  
馥沾

結陣凝團亂拂衣即看突兀礙林扉金牛去後  
埋空嶺黃鶴飛來失釣磯幾處笙歌方沸鬱數  
村煙火正依稀蹇驢破帽長安客日暮衝寒尚  
未歸



全居卷為姑蘇張彥廣題

歲月無情易白頭青山穿穴且夷猶杖藜登眺  
非狂傳荷鋪謳吟似醉劉明月一規虛繭室白  
雲千頃閱丹丘何人為樹東門櫺寧識神仙汗  
漫遊

賦得徐字韻送奚元啓會試

青雲萬仞步徐徐經世文章錦不如家學舊傳  
田氏易行囊新註伏生書月明野店聞雞早雲  
冷閨河見鴈踈此去大魁應有日佇聽雷震禹  
門初

奉寄柯太常楊洗馬劉侍講王脩撰諸

先生

黃金臺上袂初分回首江東已暮雲明月何時  
重對酒碧山終日謾思君縣城斜日平蕪靜旅  
店西風落葉紛我有孤懷何處寫燈前愁誦楚  
騷文

寄康侍御

千里謫官豈勝匍匐歎流光之遲暮  
念心事之未明遣興微吟用告知已  
驅馳謫宦走江臯鏡裏流光有二毛才薄敢思  
宣室召官閒空愧華州曹交游滿眼誰傾蓋懶  
惰何心自解朝回首不堪吟望處鍾陵山色倚



雲高

舟經無錫有懷親友張文質

之官路出晉陵西回首

天京望欲迷秋水西風連鴈下寒林晴日亂鴉啼

清時有味憐新寵客况無端戀故樓為謝舊游張處士翰君抱甕坐東畦

渡錢塘江謾興

南北驅馳歲月遙宦情羈思兩蕭蕭白沙翠竹江頭路野水黃蘆寺外橋幾點征帆投極浦數聲漁笛起寒潮浮雲世態何須問且盡西風酒

一瓢

次韻李商隱無題

飄飄身世一虛舟去住還應作遠猶事業有時能破蔡功名無意願封留牛羊落日三山路鴻鴈西風二水秋悵望不勝頻弔古故鄉何日大刀頭

題江湖勝覽卷

雲臺烟閣總浮名自分江湖老此生木客峰前沽酒去竹王祠下看花行月臨僧寺寒鐘遠水落漁梁夜火明幾度醉餘雙耳熱扣舷高詠不勝情



過釣臺

遺臺臨水鬱嵯峨東漢高風耿未磨古廟踈煙  
飄木葉空江落日湧寒波書詞謾憶狂奴態祿  
賜空張諫議羅回望壽陵何處是青山依舊屬  
漁叢

自述西提學回簡曹憲副廷彰

偶因剡薦誤乘駉行遍滇南障塞中士習漸看  
鄒魯盛提封應比漢唐雄西風角奏榆關北落  
日旗懸碌水東賴有臺端曹憲副賢勞處處築  
儒宮

暮春呈貢縣作

一年春事已零星過眼韶光去不停風引飛花  
當硯落雨添芳草上堦青閒愁盡仗詩催破清  
夢常嫌鳥喚醒試罷諸生無一事案頭時檢太  
玄經

偶書

潦倒儒冠負

聖明故鄉迢遞幾千程青春棄我堂堂去白髮  
欺人種種生三世馮唐知不遇一經劉向愧無  
成明年便買東歸棹白鷺洲前好濯纓

暮春舟中感懷

春色三分大半非可堪遷客正懷歸江籬漠漠



豚魚上岸草青青燕子飛潘岳多情愁鬢短馮  
唐易老壯心違

君親未報何由報佇立東風淚滿衣

賀人造橋

揮却千金為眾謀忽看百尺駕清流濟川事業  
君堪許題柱功名我未休草徑夕陽無駐馬柳  
陰春水有橫舟令人却憶乘輿處多少居民病  
涉愁

丙戌上巳日

桐花初着雨絲絲又值東風上巳時千古蘭亭  
留勝會半生萍水歎多岐河橋細柳鶯聲早驛

路青山馬去遲安得當年詩社友相逢一醉習  
家池

螢

不逐靡莖悴便休脫胎陽質異蜉蝣虛疑丸火  
成竒幻却咲明珠是暗投談冷踈篁蕭寺雨影  
迷荒草渭城秋誰知腐朽將淪沒尚有丹光一  
點留

寒食書感

一百五日逢寒食節敘催人有底忙燕子東風  
人病酒杜鵑斜月客思鄉城南麥飯誰澆墓山  
下梨花自吐香惆悵介推無復見朝來新火自



生光

清明書感

兩年作縣越江湄回首鄉閩未得歸華髮又驚  
佳節換青雲堪歎故交稀山村細雨梨花發  
屋東風燕子飛潦倒不須嗟薄宦且將尊酒送  
斜暉

次韻沈石田見贈之作

不逐夔龍到鳳墀詩名籍籍滿天涯雞林有  
價時爭售狗監無人世謾知春草池塘回謝夢  
秋蘭堂戶思湘纍那堪別後同明月千里關山  
不盡思

奉寄同年楊洗馬王春坊二先生

欲藉征鴻問起居滿懷憂緒竟難除山中謾有  
非熊兆天上應無薦鷄書南國風花淹杜牧上  
林詞賦擅相如迢迢千里空相憶愁絕殘鐘落  
月初

初授滇南提學有成

強將踈陋事高談六籍何曾一字諳犬馬有心  
常戀

北鯨鵬無定又圖南非才乍可三宜去漸老寧  
知七不堪眼底諸生如玉立扣鐘應是咲聲韻  
和沈南齋示姪竹居韻



最愛幽居多野興依依門巷似斜川青山猿叫  
書樓外春水鷗飛釣艇邊花逢小衫裁白苧竹  
林新酒釀紅泉何時買得溪東屋共聽魚歌吞  
水煙

六月五日借鄒會憲文博登衡郡合江

亭偶成

合江亭上共清遊吟倚闌干散客愁芳州迥迷  
回鴈嶺斷霞晴逐釣魚舟江山對我仍青眼歲  
月欺人易白頭惆悵昌黎今已遠夕陽蒸水自  
東流

亭有昌黎韓公題詩于上故及之

七月一日經涿口河

七月移舟出涿河客行又是半年過宦情在我  
薄於水時敘催人急似梭鴈鷺江湖秋雨積牛  
羊郊野夕陽多平生雅有桑弧志華髮星星奈  
老何

中秋對月

秋色平分月正圓南樓清興浩無邊雲收蟾闕  
懸丹桂水涵龍宮泛白蓮萬古山河影也渾似  
舊百年身世欲登仙何當喚起臨臯叟斗酒江  
流共放船

滄浪深隱卷為貴陽林都閩題

百戰功成已白頭滄浪深處足夷猶晚風啼鳥



花連屋春雨浮鷗水滿洲地遠不牽榮辱夢身  
閒羞中利名鈎幾回鼓柁烟波上傲殺元勛十  
八侯

南行秋興四首

皇華才詠出 神州澤國砧聲已報秋江上西  
風吹短髮天涯明月送孤舟仲宣自笑貧猶客  
李廣寧知老未侯世事悠悠何足問且將吾道  
付滄洲

扁舟萬里適南荒行客驚秋覺夜涼老夫形骸  
空駿骨憂來世路半羊腸沙明蒲稗初含雨月  
冷蒹葭已著霜忽憶舊居青瑣地幾回簪筆綴

鶴行

鬢邊華髮幾絲秋老大心情不解憂杜甫詩名  
空短褐元龍豪氣尚高樓思家斜月三更夢去  
國青山萬里舟壯志未銷身尚健幾回燈下看  
吳鈎

青山萬里水漫漫客裏應知跋涉難草木變衰  
秋露重湖湘漂泊晚風寒天涯有客如張詠江  
左何人是謝安綠髮朱顏今改盡可憐惟有寸  
心丹

和地官顏寶之雨窓獨坐

春陰連日釀輕寒塵滿冠纓不用彈萬里宦情



天外遠幾宵心事雨中殘愁來世路知音少老  
去親朋見面難怪底滇南持節使夜深惆悵倚  
東闌

浪花

不用天邊帶露裁只憑風信幾番催一枝纔見  
逶迤動萬朵俄驚頃刻開湓浦秋容和雨亂鏡  
湖春色逐人來分明一幅西川錦安得并刀為  
剪裁

庚寅三月予按思州等郡因過清浪辱  
參將吳公相留款敘詩以酬之

年華冉冉似流波撫景其如感慨何草滿天涯  
春色暮水連湖口夕陽多鄉書路遠雙魚斷蠻  
嶺雲深疋馬過賴有元戎相慰意一尊呼取聽  
樵歌

寫懷一首

迂踈真與世情違惆悵年來計轉非萬里身如  
天外繫十年家在夢中歸秋風楊柳隨征旆春  
雨蘼蕪上客衣遙憶白頭兄弟在一回東望一  
獻歎

予來滇南一載始得寄書人便書成特

附四韻楮尾

天涯薄宦苦相羈回首西風又一期住久蒼頭



迎客慣路遙黃耳到家遲人情盡似飢鳶競心  
事唯應倦鳥知倚遍闌干意難寫夕陽孤角起  
高陴

九月十日宿下關驛書懷

西風吹冷思綿綿老去詩篇只漫傳半夜郵亭  
雞唱早十年岐路馬蹄穿梁王宮殿秋蕪裏黔  
國河山暮雨前薄宦驅人何日了欲將心事問  
蒼天

北望偶成

北望長安萬里餘江湖憂

國意何如許身稷契非全拙交友雷陳已半踈  
劍氣蝕殘青蟬竦硯瓶枯盡玉蟾蜍壯懷牢落  
今如此羞見床頭萬卷書

漾備道中

十載馳驅不暫休又御

君命到南陬涼蟬細雨踈槐晚疲馬西風落葉  
秋萬里有家恒作客一官多累謾成憂平生事  
業知何在孤負滄浪舊釣舟

宿新田驛

廢驛年深草亦深敗垣頽壁倚危岑牀頭塵滿  
伊威集簾外風淒絡緯吟孤枕不堪鄉夢斷弊  
衾殊覺早寒侵獨憐幾樹梅花月識我平生一



片心

登五華寺戒上人樓

乘閒時倚遠公樓一段風烟豁醉眸山色遙連  
尋甸晚潮聲初湧海門秋酒旗城郭西風急禾  
黍人家宿雨收莫怪吟餘重回首五雲東北是  
神州

雪谷卷為戒上人題

一夜東風大放顛曉來深谷雪盈椽誰知定裏  
還生白自信光中不礙禪三徑凍雲迷鶴迹半  
檐寒氣壓茶烟閉門不管青山老布衲蒲團了  
十玄

重至臨安分司

公署睽違又一期重來仍值禁烟時闌干漬雨  
花枝重亭館留寒燕乳遲無事且謀犀首飲有  
懷都寓少陵詩東風可是無情甚白雪盈頭不  
肯吹

偶書

萬事無成兩鬢皤可堪歲月易蹉跎宦途每感  
秋蓬客李長吉詩 麗眉世態偏驚春夢婆  
上國故人青眼少東山高興白雲多何如束取  
琴書去茅屋衡門掩翠蘿

梨花



一種精神分外奇肯同桃杏炫穠姿春香小店

年年酒抗城人梨花時月冷閒庭夜夜詩唐詞

庭春又晚梨花一枕煖雲鷺與曉王昌大詞落落

分夢中化滿簾晴雪燕來時杜梨西千花詩聞道洗

粧最惜春風面粉褪香殘欲怨誰相面圖首

滇城早秋有懷沈啓南

遠穆風烟接海陬蕭條踪跡此淹留西風黃葉

填沙岸落日青山繞郡樓孤館不眠唯聽雨異

鄉多病厭逢秋何因共醉吳門酒一洗胸中萬

斛愁

腐儒

老大乾坤一腐儒支頤長日歎歸歎功名誤我

難忘

國風雨懷人數寄書興入尊鱸秋水遠夢迷蕉

鹿夜燈餘何當解組居林下曲運穿花駕小車

送楊長教

楚水曾懸絳帳紗又携清鐸出京華蘇湖教法

名當世劉柳文章號大家夜雨年年芹泮藻春


風處處杏壇花儒冠莫謂橫經誤他日看操翰

苑麻

三世進士卷為顧主事題

故家文獻重東吳况復科名動





原件短缺

P31-P32



帝都門第固應追二郭文章元是學三蘇看花  
盡作瑤林客釋褐雖同白屋夫善慶從茲流不  
竭明時還見鳳生雛

病足在告

五十才過便覺衰頭童齒豁竟何裨官遲謾假  
全和璧詩捷徒誇拔趙旗史筆有誰譏巧宦仙  
方無藥變類蓬近來已類浮屠躡何日還如起  
廢時

乞骸三首

十年南北厭奔馳又接鷓鴣行上  
玉墀白髮却隨愁到早青山應笑客歸遲塞魯

楊學士席上作是日先生留子作草書

首夏南風吹午晴高齋坐我趣偏清落花飛絮  
故無賴乳燕鳴鳩俱有情窓間乍可作草聖座  
上寧須招麴生相逢且話平生舊富貴浮雲何  
足營

樂清軒為沙士清題六首

巢雲新結小崆峒樗散渾如避俗翁繡壁土花  
朝漬雨打窓山葉夜吟風虎龍丹伏爐中火猿  
鶴聲淒席上桐明月一天清似水不勝清興繞  
簾櫳

舊巢燕子又飛還翠掩重門晝不開座上清尊



同北海樓前吟笏對西山春風花覆觀魚檻秋  
雨苔生養鴨闌一自漁樵爭席罷迥無飛夢到  
朝端

已覺年來懶曳裾閒中容膝自如如窓涵夜雨  
泉初引門掩春風草不除劔匣寒光橫蟬蛩硯  
瓶新水滴蟾蜍烟霞滿徑無人到獨倚松根看  
道書

塵世風波耳不聞掉頭歸去羨河汾梅花月冷  
瑤琴操薤葉涼生碧簟紋高卧久辭金馬詔忘  
機惟狎白鷗群南塘水滿蒲萄滑小雨香生細  
細芹

清隱城南地位奇不干聲利自相宜竹間細畫  
烏絲紙花底高歌白苧詞簾卷清風朝下榻燭  
歌吟影夜彈棋相過况有知音在何用黃金鑄  
子期  
獨憐時習正淫哇幾欲逃名遠俗譁松徑掃雲  
調舞鶴草塘瀦水聚鳴蛙畫船載酒朝娛客銀  
燭籠春夜賞花無限詩情吟不盡霸橋風雪謾  
須誇

題玉虛觀壁

為別方壺歲月過閒中猶憶紫芝歌烟雲鶴避  
山中箭風雨龍驚壁上梭滿院碧桃香爛熳半



窓瑤草細婆娑依然此景渾如昨欲傍長松紉  
翠窩

詠雪

鏤玉雕冰六出新豐年先喜卜嘉禎東風柳絮  
千林白明月梨花滿院春蔡地功名成往事剡  
溪交誼屬何人巡簷欲索寒梅咲踏破瑤幾  
斛塵

寄馮文綱郎中

官舍比隣喜盍簪別來誰復是知音神駒已市  
千金骨海鶴空懸萬里心薊北春回芳樹綠江  
東雪壓暮雲深相思欲折梅花寄冷蕊疎枝半

不禁

春水次張升勉韻

柳溪花激遠平分風景蒼々暗碧芸曉日浮鷗  
迎棹見東風語燕背牆聞滿空積翠涵晴靄一  
幅生綃潑澹雲最愛深深千尺淨回船搖破綠  
羅紋

鳳西草堂卷為鄒義官題

放迹雲林深復深惟應巢父得相尋燕泥香墮  
花窓午鶴夢清迷柳院陰白首已忘榮辱事紅  
塵堪咲利名心閒中一曲猗蘭採流水高山共  
賞音



暮春書懷 少作

一年春事撻悠悠，堦下莓苔綠漸凋。  
愛入添中酒，病惜花常是。為花愁，唾壺敲缺，吟初就。  
鐵硯磨穿志未休，點檢韶華多少。在數聲啼鳥，夕陽樓。

送劉廉夫往貴州參贊軍務馬上次韻

一首

明時仕宦作參軍

帝命南征慰遠人，紫氣橫空金劍冷。  
綵雲炫日錦袍新，指麾雷動紅蓮曉。  
談笑風生細柳春，會見捷書馳報日。  
定將勛業照麒麟。

登第後寄同門鄒允達

夜雨青燈幾載勞，寸心思補

聖明朝。久馬望脫囊中穎，偶耳兼收爨下焦。  
禹闕雲深鰲浪湧，長安花滿馬蹄驕。  
非才已愧成貂續，遲尔來時奪錦標。

贈賀友菊

長安道左子雲家，閉戶窮經老歲華。  
天上金貂無夢到，人中繡虎有名誇。  
春風點筆題桐葉，秋雨掀簾看菊花。  
莫道閒居成久遜，會看垂白拜黃麻。

上魏家宰老先生少作



千里有心懷

象闕十年無路上鵬程青燈黃卷窓前學金榜  
瑤林夢裏情原憲病來仍守道何蕃親老未成  
名自憐鴛劣無人識敢向龍門試一鳴

送倪克讓學士奉使還朝

禹門曾見掣金鰲幾泛星槎不憚勞明月流輝  
光使節春雲盤繡上宮袍文章舊說歐公富人  
物新誇李揆高歸到玉堂秋正爽薇花香露灑  
吟毫

題靈僧官壽詩卷

八十年来遠世紛一靈曾用戒香熏六時花雨  
翻經坐萬壑松濤出定聞堯率光垂星彩麗醜  
酬清注露華氛朝来自製長生服剪破巖頭幾  
片雲

寄淮陰瑩僧官

宦遊曾扣遠公林踏破閒雲一徑深白石紅泉  
真色相碧潭涼月即禪心蕭蕭清梵鳴寒雨寂  
寂長廊鎖夕陰此景此時俱不忘謾思相對發  
清吟

雲山圖為院判黃楚祥題

萬朶芙蓉紫翠寒重重芳樹鳥聲閒紅塵迥隔  
三千里茅屋斜連一兩間花徑晴堆雲影亂石



橋春護蘚痕斑望中應有蘇仙宅無數烟蘿未  
易攀

詠鶴

野徑巢空落葉紛獨悲孤潔在雞群青田每向  
雲中見赤壁多從月下聞粉墨圖存憐少保珮  
環聲靜憶茅君何當一遇乘軒顧六翮聯翩麗  
絲紋

贈宗陽宮姚外史

寄迹黃冠歲月賒相逢一笑是生涯神龍法雨  
囊中物野鶴孤雲世外家劍匣寒光飛紫電藥  
爐文火熟丹砂春歸洞府門深鎖老盡碧桃千

樹花

送鄧鍾英之湖廣僉憲

炯炯丰標玉樹清兩京持斧著才名忠誠  
帝識元龜士諫疏人傳白馬生一道飛霜隨使  
節滿川明月下湓城遙知露冕巡行處停聽陽  
春靄頌聲

送司訓謝先生考滿之京

兄弟河東彩鳳群先生清拔更多聞杏壇花燬  
橫琴玉芹泮波香洗硯雲滿座春風瞻懿範一  
簾寒雪挹清氛行看袖得河汾策還向  
金門策異勛



送沈時暘舉人會試

幾載胸中貯墨兵，棘闈鏖戰捷群英。  
汝南士論歸黃憲，洛下才名重賈生。  
仙桂一枝攀月窟，丹梯萬仞起雲程。  
知君素有經綸志，猶待觀光賦二京。

題梅花圖送人之揚州

故人尊酒別城陰，為寫梅花賦短吟。  
我不為時俗態多君應識，歲寒心銀蟾影漏江雲薄翠羽聲沈凍雪深。  
後夜揚州樓泊處，一篷疎影怨離琴。

題汪廷器侍御南徼觀風卷

臺端又羨范滂賢，持節今看下九天。  
萬壘雲山橫馬首，幾村烽火息狼烟。  
津頭候吏朝搥鼓，磧裏居民日種田。  
想見輜車巡歷處，陽春恩澤浩無邊。

哀溺并序

予讀柳子哀溺文，以為人生兩間孰大於此身，而是人也竟亡身以殖貨，豈不誠可哀耶！雖然，彼尤駟儉不足道也。世有冒儒服籍仕版者，而亦往往以賂敗，何邪？予因演柳之意而哀以詩云。



宦海茫茫湧貨泉  
幾人遭溺信堪憐  
時來每詫錢神貴  
身喪方疑厠鬼纏  
魚腹有緣蒙塋地  
龍宮無路更朝天  
也知窮骨終流落  
寧有揚州鶴背仙

送同年臧文振之浙江大叅

憶曾同讌曲江天  
回首東風十二年  
載筆我慚顏駟老  
著鞭君喜祖生先  
乍橫腰帶花金重  
新製恩袍茜錦鮮  
吳越江山多勝槩  
謾將清興付詩篇

榮壽堂為劉郎中題

一官簪笏侍

天威况復承顏願  
不違紫誥頒恩龍  
滿軸春衣裁錦鷺  
雙飛肩輿日暖花  
間度拄杖風清竹  
下歸偕老共看躋  
上壽夜來南極有  
星輝

送禮科王用誠奉使日南

春風萬里使南交  
四牡駢駢擁節旄  
金冊頒恩封異姓  
黃門街

命得時髦計程謾  
說朱鳶遠隨貢還  
看白象高專對固  
知才不忝佇聞長  
頌獻王褒

癸未元夕秋官陸孟昭為同年之會柯  
先生孟時賦近體三首因步韻和之



同向

君門拜好官 朝回讌集珮聲闌  
銀花吐燄春 偏早繡幕圍風夜  
不寒荔子漿凝雕玉椀  
薇花香裊屈金盤  
人間此景真堪賞  
何惜尊前一盞

歡 銀燈羅列錦屏春  
良夜相看盡玉人  
四座風光

吹急管 滿堂月色浸華裯  
歌翻白雪驚塵起  
盃

灑 灑霞送酒頻坐久  
不知更漏轉一簾  
花影沁

香塵

最愛東君禮數隆  
年年張讌月明中  
笙簫細咽  
春初暖簾幙低垂  
夜不風竹葉香浮  
銀海綠梅

花光射錦毬紅醉來更假仙  
郎榻却勝移家住  
讓東

奉和稽勳劉郎中沈員外選部曹主事

贈行之作

一官青瑣幸叨依  
重惹

天香兩袖歸綵仗  
籠春瞻

鳳闕皂囊緘事愧牛衣  
送行不用金荷別談笑

還期玉塵揮後夜  
月明江上路夢魂猶繞

紫雲飛

贈張醫士

賣藥華陽久著功  
高風不減葛仙翁  
囊中妙劑



君臣備肘後神方造化通玉井寒泉流乳白翠  
房文火伏砂紅平生樹德知多少仙杏春深子  
滿棗

送徐士弘之山東僉憲

新捧除書出

漢宮繡衣絃炫朶雲紅提刑又攬皇華轡行部  
仍乘御史駉使節乍看辭白下法星先已照關  
東知君素有埋輪志會見豺狼掃地空

李參政母輓詩

夢入梨雲路不分母儀婦德世空聞幽閒酷似  
馮燕國貞靜還同鮑少君

天上青鸞回錦誥篋中金蝶冷仙裙最憐南澗  
春將暮零落蘋香幾夕曛

送趙明遠分教輝邑乃祖參政

薇垣世澤喜流長又見儒冠教上庠博士經存  
終佐漢廣文擅冷謾聞唐古壇花覆春風滿清  
泮芹抽夜雨香况是

明時重文藻行看膺薦到巖廊

東賀友菊少作

空懷文史足三冬未得梯雲觀

九重世事多端嗟失馬生涯無計學屠龍茂陵  
風雨相如病洛社鶯花杜牧慵聞說騷壇清似



水携琴我欲一過從

送謝大尹改任奉新先任訓導舉縣令永昌

銅章重佩出

神京鳧舄翩翩促去程  
百里暫看勞蔣琬諸生  
應喜得陽城公庭吏靜  
絃琴坐壠畝春晴命駕  
行他日西江推治行  
璽書還見為褒旌

送沈士彝太守回任

人物

明時第一流分麾遙守古宣州  
文翁化俗民偏  
亭朱邑論功治獨優  
翠麥兩岐涇水晚青山十  
里敬亭秋也知政簡多新興  
時倚清風謝眺樓

題沈處士輓詩卷孫暉舉進士第

小隱丘園絕宦情  
忽驚仙去主蓉城  
清風謾誦  
梁鴻傳高士曾聞郭泰名  
松下涼烟虛坐席  
桑  
間春雨輟躬耕也知世澤流芳遠  
今見高崗彩  
鳳鳴

贈內閣謝卿伯寬

把臂論交二十年  
多君文采似前賢  
一經家學  
傳劉向三絕才名到鄭虔  
醉我旨言醇有味  
逼人清氣浩無邊  
掖垣水繞花如綺  
此地誰云不  
是仙

送趙教諭之夔州



幾年場屋擅才名振鐸今看向錦城萬卷沈酣  
知學富一瓊寥落喜官清斷猿斜日瞿塘晚飛  
鳥孤雲劍閣晴莫歎遐方殊政教詵詵猶是魯  
諸生

寄楊景通司訓

一從分鐸出長安別後寧知會晤難地遠共憐  
千里隔官清誰謂一瓊寒秋風習禮趨槐市春  
雨鳴琴坐杏壇遙想諸生多造就收名應用豈  
為冠

輓陳緝熙先生父母其父謫戍遼陽卒歸葬吳中  
高誼惟君似古人半生書劍老邊塵無嫌莖仕

身難顯有子登科怨已伸遼海月明歸獨鶴吳  
山雲冷卧雙麟不堪歌斷巫陽些落日青山一  
愴神

良人萬里戍遼陽結髮相從老異鄉蚤莫克家  
動織紉歲時將祀謹烝嘗名書女史應無愧身  
沐  
天恩益有光回首伏龍山下路吳人猶說舊姬  
姜

杏園春讌為趙主事題

花滿名園酒滿鍾  
恩光渾勝曲江東繡帷籠日無塵到綵檻移春



有路通幾樹靜依歌席艷一枝斜壓帽簷紅相  
逢却咲玄都觀無數桃花逐曉風

送唐源潔之廣東少叅

榮捧除書出

帝京畫船朝掛布帆輕都門對酒愁分袂驛路  
看山好計程花滿薇垣官况好苔深蕉館吏書  
清遠人正切雲霓望會聽哀吟變頌聲

壽袁秀才母一百十歲

阿母瑤池鬢未零海籌百十又添齡蟠桃應結  
十年寶花甲將周兩度星香玉蕊烟生玉鼎醕  
浮竹葉盞銀瓶堂前種得忘憂草為愛春風歲

歲首

題冉子祠堂

昔賢祠廟久荆榛棟宇重營賴後人雙玉矗雲  
華表峻千金刻石墓碑新犧尊楚楚時供奠鶩  
冕森森夜降神共喜儒風今益振魯郊行見出  
祥麟

輓李叅議華亭人

門地曾聞世所推若為霄漢竟騎箕天官政績  
司封日行省才名替賦時遺草一函應不朽甘  
棠樂樹盡成悲那堪化鶴歸來夕風雨華亭月  
上遲



輓魯秀才禮闈焚死

蚤發賢科學業優家聲應不墜箕裘雷門火烈  
龍難化遼海天長鶴正愁謾說青雲能自致却  
憐白壁向誰投明朝剪紙招魂去虛塋衣冠越  
水頭

送陳廷圭教諭之鄧都

一繒分教錦官城拜沐新恩下  
帝廷親老喜看毛氏檄囊空唯貯伏生經舟行  
湘水多遺廟路入巴山有刻銘遙想春風懸帳  
處杏花飛雨正冥冥

清溪精舍為姚世昌戶侯題

縛屋清溪遠俗氛多君好武更能文備書頗似  
班都護雅詠還同賈刺軍帳下蛇弓懸月影床  
頭龍劍爍星紋太平無事身閒退空憶燕然  
勒茂勲

下吏書時僚友唐澣白昂謝琚劉倫正丁本同繫

詔獄天順己卯正月也

力欲排奸障橫流恥為絨默日垂頭一身榮辱  
何須計四海瘡痍正可憂往事謾同窓裏馬浮  
名渾似水中鷗

聖明幸有天王在對泣何須類楚囚

贈淮陰瑩僧官



上人方外隱高蹤門掩垂蘿翠幾重群縛皆除  
心地靜一塵不染性天空金鐘扣月常驚鶴石  
鉢澄秋獨卧龍愧我宦途方寄轍何因林下久  
從容

贈秋官錢原博少作

棘闈曾共戰驚瀾凜凜羊標玉樹寒金榜題名  
登進士紫泥街

命拜刑官春秋家學傳三傳月旦鄉評羨二難  
喜得故交今顯達曉來窓下欲彈冠

送錢學士先生校文南畿還

朝先生丁卯座主也

宦途頻見典文衡共說先生識鑒精文體已從  
前日變詩篇還擅異時名菁莪采實來中泚桃  
李連陰接禁城十載受恩猶未報獨慙門下舊  
儒生

下吏書成化乙酉四月也

幽坐園扉百感侵青燈無燄夜沉沉蒼天不弔  
孤臣屈白日空懸義士心萬里歸來頭有雪一  
官老去肘無金青蠅貝錦何須辨公論而今滿  
士林

南還書懷

貝錦生讒起禍端南來尚沐



聖恩寬一行斷鴈隨秋色數片輕鷗下急湍謾  
說焦頭為上客何妨強項作郎官夢中忘却遷  
除遠猶記簪毫侍  
禁鑾

次韻呂方伯見贈之作

落落才名播兩間巍然高轍迥難攀文工江左  
丹青筆詩敵淮南小大山栢府霜威摧擻動蕩  
垣風化破天慳會看薦剡登黃閣咲擁輶車萬  
里還

次韻呂方伯題金馬山

金馬奇山久擅名乘驄清暇幾經行峰迴似露  
搖金影林響疑聞噴玉聲巧點五花雲外立高  
翹雙耳雪中呈何當縮地歸仙仗不必千金遣  
使迎

永感堂為洪侍御題

雙親奄棄竟何之四十年来不盡悲岷岵謾勞  
思警效羨墻時復見容儀春暉寸草傷心切夜  
雨孤燈引夢遲最是篋中新豸服為誰戲舞壽  
金卮

次韻顏地官寶之雨窓獨坐

客窓聽雨思無涯夢裏還家不是家雪釀餘寒  
飛柳絮月扶清韻上梅華自嗟往事窓間馬誰



辨新愁酒內蛇兀坐黃昏成寂寞細吟詩句淺  
澆茶

又次前韻

碌碌勞生未有涯幾人白眼笑東家十年奏疏  
三焚州兩鬢風霜半着花仕路踏穿冠鐵豸硯  
曰耕破見秋蛇近來中酒春眠覺紗帽籠頭自  
煮茶

輓洪傑處士

其人納粟  
旌其父為義官

斜日衡門弔鶴飛斯人俄爾竟長歸人間詞藻  
遺芳翰天上星辰矢少微誼重每聞王道蓋山  
青空憶謝玄暉堂前留得

褒旌勅白岳巖君淚滿衣

輓簡知州母代作

北堂萱草悴風烟一夕慈闈骨已仙屏掩珮環  
秋月冷窓閒機杼夜燈懸相夫事擬樊姬行教  
子名齋孟母賢惆悵家林斜日下斷腸猶憶倚  
門年

謝鄒允達惠盆石菖蒲少作

斲破晴雲種玉田爭如盆石更清妍人云細葉  
堪供翫我愛靈根可引年玉節生香春雨裏綠  
絲鋪地晚風前知君賸得長生術更借韓休照  
餌篇







禮闈灾

六丁帝遣下文場陶鑄洪爐總俊良李杜齊名  
光燄在張皇流汗走趨彊火山有夢占難據詞  
海無波恨可量却咲樂公但能飲不知何術為  
君禳

荷池讌賞席上作

路入荷池十里長漁歌聲裏棹相將翠擎團蓋  
田田淨紅冒幽花冉冉香錦袂迎風迷蛺蝶綵  
雲出水妬鴛鴦風流內相情偏洽咲折長筍吸  
玉漿

送窮時年十七戲作

辛酉冬晦日故交窮鬼將行書生某  
謹兵舟車糗糧以贖因成鄙句錢之  
結柳為車草作船辰良日吉利移遷寒窓燈火  
交情久白屋綿袍節義堅甕底贖遺三斗粟囊  
中猶貯數文錢都将贈汝為行費慎勿留連惜  
舊羶

窮鬼荅

愛尔青年立志奇平生肝膽最相知雖無完褐  
堪遮膝每有新詩可療飢顏巷秋風人絕到阮  
途夜雨我相隨明當更作金蘭契何事匆匆又  
別離



八枕肱亭文集  
子聞窮鬼之言亦頗不忍仍作一詩以

謝云

自是親情忍別離不須幽暗更椰榆才淹頭作  
焦毛驥命蹇甘為短脰鳧不獨儒冠勞顧盼可  
能仕路亦招呼若然擬結青雲伴喚起三閭楚  
大夫

晚榮處士卷為陳啓先父題

倚遍江南百尺樓故山烟雨渺松楸誰知白髮  
歸來日天遣烏紗又上頭香嶺詩仙應有號后  
山居士固無求二郎自是難兄弟篆籀丹青滿  
帝州

上商相國先生二首

鈞軸持衡已有年魏、相業許誰先玉堂大手  
文章富黃閣清風地位專五色山龍時補袞八  
方霖雨正思賢鯁生欲獻王褒頌安得凌雲筆  
似椽

霄漢飛騰

寵命隆立朝正色見孤忠手扶紅日升天上  
力陣狂瀾注海東經世謨謀齊李沆救時才略  
到姚崇幾回

天語從容處衣惹爐香兩袖紅

送衛少府之連城



銅章重縮下

蓬萊路指閩南霽色開行李只携琴鶴去遠人  
爭覩鷗鳧來魯山自是諸儒範公琰元非百里  
才想見風流有佳政會我冠身今中臺

題封君戴雪溪榮壽卷

七旬初度喜重過白髮烏紗照澗阿發粟每嫌  
徐氏少藏書應比鄴侯多烏臺有子官新拜銅  
狄何年手更摩况復一門千指盛稱觴無惜酒  
如何

次韻憲上人見寄之作

人世何殊技弄丸羨公自幼出塵難山中結社

寧無遠海上留衣亦有韓秋月涼生松塢靜春  
雲晴護芋田寬傳燈偈就三千語不借傍人一  
字者

次韻華都閻允明入粟拜官

允明乃晉孝子華寶之後

文藻曾期五鳳樓憂民况復志能酬祿分蘇郡  
遷都閻家住毘陵近

帝州孝子門閭今日大將軍禮數向來優清朝  
義行須君傳不羨班生萬里侯

寄丘時雍兼柬王京兆

芝城山色翠重重太守歸來逸興濃春水画船  
湖上載白雲丹竈竹間封林泉有分盟幽鷺江



漢何心起卧龍應與西莊舊京兆時時相過話  
從容

輓楊見素先生

仙魂騎鶴上雲衢高行惟應與世殊水北山人  
成小隱關西夫子是名儒醫方已秘千金術著  
櫝猶存六甲圖最是賢郎承夙訓埋輪聲價滿  
皇都

同壽詩為蕭主事父母作

父工部侍郎  
母封淑人

白頭偕老貌如仙花甲同登六十年朝野久

瞻卿相貴閨門爭羨太君賢

龍光赫奕鸞回紙象服委佗翟在肩更喜賢郎

能接武遠傳珠玉壽華筵

送莊少尹之順德

文采箕裘重里閭一官新拜粵南除才名斯立  
應同調政績唐臨擬並書地接蜃鄉征賦少草  
深蠻館督郵踈知君賸得哦松趣莫謂丞今又  
負予

送姚景陽叅政雲南

九載黃堂政績成佐藩又向古黔行新橫腰帶  
花金重舊製公袍茜錦明黃鶴月明經夏口碧  
雞雲淨見滇城知君素志存經濟佇聽夷民藹  
頌聲



榮感堂為邵主事題

早登科第列巖廊每憶雙親痛不忘三鼎未供  
雲路養寸心徒抱海天長驚袍難戲堂前綵  
龍勅惟焚隴上黃惆悵不堪聞宰木蕭蕭風葉  
正飄霜

送少保商公致政還浙

重光垂拱御華夷黃閣持鈞輔萬機名重三元  
今未有位崇一品古應稀益梅有道和  
商鼎火藻多才補  
舜衣歸去定牽憂  
國夢時時還繞

紫雲飛

次韻憲使胡尚愚見寄

郵館當年共酒杯別來西望幾遲徊平生鮑叔  
嗟難見前度劉郎愧復來斜日秦關孤鳳遠東  
風燕市百花開幸逢

霄旰需賢日鈞軸行看屬大才

寓庵卷為陳啓先題

宇內形骸復幾時萍蹤蓬梗竟何之肯同狡兔  
謀三窟只學鷦鷯寄一枝壺隱有方聊去住舟  
虛無定任推移何當悟破莊生夢小住人間五  
百期



東同年楊少宰維新一首

南北奔馳歲月賒風霜吹得髮生華  
一官竊祿知何補萬事驚心只自嗟  
舊夢已同蕉下鹿新愁難辨酒中蛇  
交游四海誰知己賴有平生鮑叔牙

述懷

薄宦牽人不暫休鏡中蒲柳已驚秋  
空思結綠竒堪獻敢謂飛黃價未酬  
揣已素非陳戶牖知人誰是呂婆樓  
清溪流水應無恙擬傍沙鷗理釣舟

次韻內翰李賓之和提學沈憲副排律

述懷三首

竹爐蒲椅夜篝燈若解跣趺便是僧  
白首居官殘喘在紅塵走馬少年曾  
貧如原憲良非病詞學相如愧未能  
遙憶芝城山色好何時重約故人登

瀟瀟凍雨滴空簷舊恨新愁此夕兼  
十載間閨身已老半生經濟志空淹  
家當屢破鳩嫌拙妻每啼飢蚓咲廉  
安得乞身湖海去不妨重作老夫潛

筆頭畀破硯將穿羞把生涯學計然  
架上書堪消白日胸中石可補青天  
吟殘草色非春夢看



到梅花似昔年自是欲歸歸未得幾回閑誦  
居篇

次韻聞上人見贈之作

新詩吟贈自瓊聊近敵唐風遠繼騷愛我雅懷  
能爾好逼人清氣迥然高半龕燈影寒岑寂數  
杵鐘聲夜沈寥定久不知紅日出梅花枝上凍  
痕消

病馬

血汗毛焦骨僅存一朝千里有誰論每慙局促  
轅間伏敢望驍騰仗下奔榮水春風閒白晝未  
行斜日易黃昏獨憐老去猶知主肯負孫陽一

顧恩

輓吳義官

小隱丘園樂考槃何會長缺向人彈明經韋氏  
能遺子儲粟徐畊喜助官郡守榻間時款語慈  
闈膝下日承歡不堪歌斷巫陽此落日佳城蔓  
草寒

叢桂堂為楊郎中題

小山招隱謾興歌爭似君家掇茂科同氣昔年  
燕地盛聯芳今比郟林多秋風競吐黃金粟春  
雨齊抽碧玉柯他日狀元須折取桂元紅廣寒  
宮樹正婆娑



次韻應志欽憲副同年飲別

雅道陵夷久不敷  
蹇予今喜共斯尊  
青雲忝接群公武  
白首同霑

聖主恩膏把升沉  
論薄宦只將清白遺  
諸昆新詩別我皆忠義  
愧殺當年曲學孫

壽蔣廷錫乃商侍講懋衡之內翁也

秩宗都憲世稱賢  
况復如公福壽全  
高誼久稱天下士  
稀年今作地行仙  
西湖春滿花如綺  
北海尊深酒似泉  
門婿翰林真玉潤  
封詩遙賀越江邊

寧靜齋為周尚文少卿題

舊縛茅齋似草堂  
向來無事趣偏長  
湖邊白鳥眠春雨  
門外青山下夕陽  
坐煖書氈渾忘倦  
暫抄琴譜却成忙  
知君遠大終須到  
肯使隆中獨擅芳

藻軒為吳孟章揮使題

不將武弁向人誇  
詞賦新奇自一家  
墨脚滿池流醉艸  
筆頭到處吐天葩  
才堪補衮疇能敵  
技擅彫龍信可嘉  
構得名軒政多趣  
幾回芳思繞青華

孟章又號青華居士

輓倪宗伯克讓

烟烟丰標玉樹清  
蚤於黃甲占魁名  
玉堂金馬



稱先達紫綬文犀陟上卿八斗才高驚大手五  
言詩妙擅長城懸知此日騎箕去化作長空列  
宿明

輓平江侯恭襄

蚤歲登壇已拜侯堂堂忠義幾人儔軍威遠振  
三千里

國賦常供百萬舟廟食喜瞻遺像在史編應有  
大名留經過幾度清淮上猶憶當年坐運籌

輓平江侯黜國

仁愛忠勤孰可方南都東魯賸遺芳周家尚父  
勲階重漢室元僚世澤長保障恩威存廟祀留

司經畧載彛常即今主器真良將文武兼資倍  
有光

題陸秋官靖之皇華紀行卷

歌詠皇華歲十周江山佳勝屢曾遊看雲每凭  
滕王閣對酒還登謝眺樓芳草東風催驛騎垂  
楊斜日繫官舟紀行賸有詩千首不博人間萬  
戶侯

王事馳驅走道周壯懷何讓子長遊東風草綠  
蠶禁國小雨花香燕子撲納納乾坤雙短劍飄  
飄烟浪一虛舟隋珠趙璧應無價收拾都歸好  
時侯



燮下奇材卷為內宰陳公題

一段奇材燮下鳴良工琢削喜初成高山流水  
人猶在白雪陽春調更清松塢夜闌風度曲竹  
窓秋靜鶴流聲何當獻作  
虞廷樂一奏南薰萬古情

輓宋經歷

州縣聲名到處馳榮遷都府稱猷為風生細柳  
談兵日水泛紅蓮入幕時正擬材堪天下用忽  
驚舟向壑中移寒雲衰草咸陽道旅襯西歸不  
盡悲

輓陳太常師召

握手論交二十期平生學行最相知久推陳寔  
能行義更愛匡衡善說詩門雪羣趨多造士梯  
雲雙步有佳兒那堪此日脩文去丹旄臨風不  
盡思

次韻呂通政秉之見贈之作

五車經史腹中懸家學淵源克象賢大任銀臺  
宜此日清風黃閣重當年文刊京錄人人頌詩  
遍唐音在在傳世掌絲綸應有待致身還到鳳  
池邊

用李學士賓之韻贈儲郎中靜夫赴  
召之京



祖帳西風酒半酣臨岐分手思何堪九達鴻漸  
終歸北六月鵬搏暫息南科甲屢先名益大帶  
圍頰減句仍就兩京別後遙相望謾憶龐公竟  
日談

次韻鄭通政北歸詩卷二首

詩出詞林豈浪傳交游曾共侍

經筵

恩須紫誥新承寵文號青錢久暮賢四座瀛洲  
人似玉百壺燕市酒如泉料應入相知非遠華  
髮星星已暮年

閩南簪笏舊相傳飛步多君近

帝筵金馬詞華揚令譽金室事業屬英賢致身  
已據通津路歸計休論阿對泉况是君身有仙  
骨遐齡應似大椿年

冢宰王公上疏乞歸黃門倪秀夫有詩  
為贈用韻和之

屢上封章未得歸秋風吹老北山薇潯陽詎可  
同三隱秘閣終當輔

萬幾盛世風雲龍虎會

清時人物鳳凰飛也知永錫身難老莫更逢人  
歎古稀

高魁黃甲羨才優破浪驚看萬斛舟文體有源



堪繼漢功名無意願封留

殊恩正擬承三接歸計何煩號四休指日

彤廷應大拜致身重到鳳池頭

次韻董圭峰亞卿見贈

伊誰白眼看東家寧識高文振國華蚤掇科名  
魁甲榜晚持使節上仙槎堪稱嵇紹群中鶴應  
笑公孫井底蛙便擬相期結詩社西齋風月酒  
須賒

次韻鮑大尹同裡見贈

金鐘自合廟廊懸百里何堪任大賢奏績纔聞  
書上考辭官驚說未中年交如平仲真能久詩

學樊南信

莫道閒居便終老會看束帛下

天邊

送總督漕運李都憲之淮安

中外飛騰四十秋雄才清望出時流持身久已  
稱張昇督賦行將說鄭戾白下曉風催使節淮  
南春水駐仙舟定知他日功成後補袞還期佐  
冕旒

輓劉時用通政

鄉里交游舊有君別來驚歎歲華奔當年文藻  
追先哲此日書香見後昆愛客高情齊北海活  
人奇術到東垣不堪立隴成陳迹綠遍東風宿



送因

孝陵竣事

使節輝煌到

青雲器丰采

帝室幾回玉

皇釐錦袍又

赤墀





